

ხელშეკრულება № 70

სახელმწიფო შესყიდვის შესახებ
(აუქციონის გარეშე ელექტრონული ტენდერი - NAT200006946)

ქ. თბილისი

7 მაისი, 2020 წ.

საქართველოს ფინანსთა სამინისტრო (მისამართი: ქ. თბილისი, გორგასლის ქუჩა №16 ტელ. 2-**261-335**, საბანკო რეკვიზიტები: ანგ. №GE24NB0330100200165022, სახელმწიფო ხაზინა, კოდი: TRESGE22, სკ-204862078), შემდგომში წოდებული „შემსყიდველად“, წარმოდგენილი საფინანსო-ეკონომიკური დეპარტამენტის ხელმძღვანელის თეიმურაზ ფერაძის სახით და შპს „ტექნოპლუს“ (მისამართი: ქ. თბილისი, სოფელი დილომი, ფარსადანის №5, ტელ: 2-155-050, 595-95-95-16, საბანკო რეკვიზიტები: ანგ. №GE31TB1949936020100006, სს „თიბისი ბანკი“, კოდი TBCBGE22, ს/ნ-205277608) შემდგომში წოდებული „მიმწოდებლად“, წარმოდგენილი მისი დირექტორის მეჰმეთ მელექის სახით, ორივე ერთად წოდებული, როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – ხელშეკრულებით გათვალისწინებული საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – წინამდებარე ხელშეკრულების ფასთა ცხრილით განსაზღვრული ხელშეკრულების საგანი.

2. ხელშეკრულების საგანი

წინამდებარე ხელშეკრულების ფასთა ცხრილით განსაზღვრული ტანსაცმლის სარეცხი და საშრობი მანქანების, მაცივრების და წყლის გამაცხელებელი ავზების მიწოდება
(CPV კოდი -39713200, 39711130 და 39715100).

3. ხელშეკრულების ღირებულება

3.1 ხელშეკრულების ღირებულება: 11 100 (თერთმეტი ათას ასი) ლარი.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულების ფასთა ცხრილით განსაზღვრული ტანსაცმლის სარეცხი და საშრობი მანქანების, მაცივრების და წყლის გამაცხელებელი ავზების მიწოდება ხელშეკრულების გაფორმებიდან 10 (ათი) სამუშაო დღის განმავლობაში, შემდეგ მისამართებზე: ქ. თბილისი, გორგასლის ქ. №10 და უნივერსიტეტის ქ. №2 (შემსყიდველთან შეთანხმებით).

ბ) განიხილოს **შემსყიდველის** პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და გარანტია

5.1 მიწოდებული საქონლის ხარისხი უნდა შეესაბამებოდეს ფასთა ცხრილში აღნიშნულ მაჩვენებლებს.

5.2 მიწოდებულ საქონელზე გარანტია ვრცელდება მიღება-ჩაბარების აქტის გაფორმებიდან 3 (სამი) წლის განმავლობაში.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნის შესაბამისად.

6.2 ინსპექტირებას განახორციელებენ საქართველოს ფინანსთა სამინისტროს საფინანსო-ეკონომიკური დეპარტამენტის მატერიალურ-ტექნიკური უზრუნველყოფის სამმართველოს მეორე კატეგორიის უფროსი სპეციალისტი **გიორგი ბიბილეიშვილი**, ამავე სამმართველოს მესამე კატეგორიის უფროსი სპეციალისტი **ვახტანგ პატარქალაშვილი** და საქართველოს ფინანსთა სამინისტროს საგამოძიებო სამსახურის ეკონომიკური დეპარტამენტის მატერიალურ-ტექნიკური უზრუნველყოფის სამმართველოს უფროსი სპეციალისტი - **ნუგზარ ღონღაძე**, რომელთაც შეუძლიათ ინსპექტირება განახორციელონ, როგორც ინდივიდუალურად, ასევე ერთობლივად.

6.3 ამ ხელშეკრულების 5.2 პუნქტით განსაზღვრულ საგარანტიო ვადის განმავლობაში შემსყიდველის შესაბამისი წარმომადგენლის (წარმომადგენლები, მოწვეული ექსპერტი) მიერ წუნის გამოვლენის შემთხვევაში, მიმწოდებელი ვალდებულია შემსყიდველის წერილობითი შეტყობინებიდან 5 (ხუთი) კალენდარულ დღეში დააკმაყოფილოს წარდგენილი პრეტენზია და უზრუნველყოს დეფექტების გამოსწორება ან საჭიროების შემთხვევაში ჩაანაცვლოს დეფექტური საქონელი საკუთარი სახსრებით.

6.4 მიმწოდებელი იღებს ვალდებულებას საკუთარი ხარჯებით აღმოფხვრას მიწოდებული საქონლის უხარისხობით გამოწვეული ზარალი.

7. საქონლის მიღება-ჩაბარების წესი

7.1 საქონლის მიღება წარმოებს ინსპექტირების განმახორციელებელი პირის დადებითი დასკვნის და მიღება-ჩაბარების აქტის სახით. ინსპექტირების დასკვნა გაფორმებულ უნდა იქნას საქონლის მიწოდების დღეს, ხოლო მიღება-ჩაბარების აქტი - საქონლის მიწოდებიდან არაუგვიანეს 3 (სამი) სამუშაო დღის განმავლობაში. მიღება-ჩაბარების აქტი ფორმდება წერილობითი სახით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

7.2 მიღება-ჩაბარებაზე ხელმოწერი პირია **ზაქარია წითლაური**, საქართველოს ფინანსთა სამინისტროს საფინანსო-ეკონომიკური დეპარტამენტის მატერიალურ-ტექნიკური უზრუნველყოფის სამმართველოს ხელმძღვანელი.

7.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება ვადის გადაცილებად.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (თუ პირი დღე-ს გადამხდელია) 10 (ათი) სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული და ფასთა ცხრილით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.2 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02 %-ის ოდენობით.

10.3 იმ შემთხვევაში, თუ მიმწოდებელზე ამ მუხლის 10.1 ან/და 10.2 პუნქტებით გათვალისწინებული დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შეუსრულებელი მომსახურების ღირებულების 10%-ის ოდენობით.

10.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან, გარდა 10.4 პუნქტით გათვალისწინებული შემთხვევისა.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 30 სექტემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან ხელშეკრულებით გათვალისწინებული ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1 ხელშეკრულება შედგენილია ელექტრონული ფორმით.

16.2 მხარეები უფლებამოსილი არიან, ხელშეკრულება დაამოწმონ/დაადასტურონ კვალიფიციური ხელმოწერით ან/და კვალიფიციური შტამპით.

16.3 ხელშეკრულების ელექტრონულ ასლს ორიგინალის თანაბარი იურიდიული ძალა აქვს, თუ ის ხელმოწერისთვის პასუხისმგებელი პირის ან საქართველოს კანონმდებლობით გათვალისწინებული უფლებამოსილი პირის მიერ ან/და ელექტრონული შტამპით არის დამოწმებული ან/და დადასტურებული.

17. მხარეთა რეკვიზიტები:

შემსყიდველი

საქართველოს ფინანსთა სამინისტრო,
მისამართი: ქ. თბილისი, გორგასლის ქ. №16,
ტელეფონი: 226-13-35,
საბანკო რეკვიზიტები: ანგ. №GE24NB0330100200165022,
სახელმწიფო ხაზინა, კოდი: TRESGE22,
ს/ნ - 204862078

მიმწოდებელი

შპს „ტექნოპაუს“,
მისამართი: ქ. თბილისი, სოფელი დილომი, ფარსადანის
№5,
ტელეფონი: 2-155-050, 595-95-95-16,
საბანკო რეკვიზიტები: ანგ. №GE31TB1949936020100006,
სს „თიბისი ბანკი“, კოდი TBCBGE22,
ს/ნ - 205277608

ფ ა ს ე ბ ი ს ც ხ რ ი ლ ი

N	CPV კოდი	ტექნიკური მახასიათებლები	განზ.	რაო- ბა	ერთეულის ფასი	საერთო ღირებულება	მიწოდების ვადა	მწარმოებელი, წარმოშობის ქვეყანა და მოდელი	საგარანტიო ვადა	მიწოდების ადგილი
1	ტანსაცმლის სარეცხი და საშრობი მანქანების (CPV-39713200)	ტანსაცმლის სარეცხი მანქანა ტიპი - ცალკე მდგომი; ენერგო მოხმარება - A+++ კლასის; დატვირთვა (ტევადობა) - 7 კგ; ბრუნვის სიჩქარე - 1000 ბრ/წთ; ხმაურის დონე რეცხვისას - 62 დეციბელი; ხმაურის დონე გაწურვის რეჟიმზე - 75 დეციბელი; რეცხვის დროის გადავადება - 9 საათი; გააჩნია 15 რეცხვის პროგრამა; ზომები: 600მმ x 840მმ x 550მმ.	ცალი	5	605.00	3,025.00	ხელშეკრულების გაფორმებიდან 10 (ათი) სამუშაო დღის განმავლობაში	Arcelik, თურქეთი, Altus-ის ბრენდის მოდელი: ALX 7112 W	მიღება-ჩაბარების აქტის გაფორმებიდან 3 (სამი) წლის განმავლობაში	ქ. თბილისი, უნივერსიტეტის ქ.№2
2		ტანსაცმლის საშრობი მანქანა ტიპი - ცალკე მდგომი; შრობის ვარიაციები - 22; მოცულობა (ჩატვირთვა) - 7 კგ; შრობის დროის გადავადება - 24 საათი; გააჩნია შემდეგი შრობის პროგრამები: (ბამბის შრობა, შალის შრობა, სინთეტიკის შრობა); ზომები: 610მმ x 850მმ x 600მმ.	ცალი	5	856.00	4,280.00		Arcelik, თურქეთი, beko-ს ბრენდის მოდელი: DPY7504XB1		
3	მაცივრები (CPV-39711130)	მაცივარი ზომები (სიმაღლე, სიგანე, სიღრმე): 85.5/55/60 სმ; ტიპი: ერთკამერიანი; ენერგომოხმარების კლასი: A +; საერთო მოცულობა: 120 ლ; საყინულე განყოფილების მოცულობა - 13 ლ; ხილისა და ბოსტნეულის სათავსო; 3 შიდა თარო; საყინულე (ტემპერატურის რეგულირება); ფერი: თეთრი; ხმაურის დონე: 40 დბ	ცალი	5	490.00	2,450.00		Arcelik, თურქეთი, beko-ს ბრენდის მოდელი: TSE 1262		

4	წყლის გამაცხელებელი ავზები (CPV- 39715100)	50 ლიტრიანი წყლის გამაცხელებელი ავზი ელექტროენერგიაზე მომუშავე; 50 ლიტრის ტევადობის ავზი; სიმძლავრე 1800 ვატი; შიდა ავზი – ფოლადი; შიდა ავზის დაფარვა – ემალირებული; წყლის გაცხელების შესაძლებლობა - 75 გრადუსი ცელსიუსი; კედელზე ვერტიკალურად განსათავსებელი; დენის მოხმარება - 230 ვოლტი; ფერი - თეთრი; გააჩნია გადახურებისაგან ავტომატური გათიშვის ფუნქცია (თერმოსტატი), დამცავი სარქველი, წყლის ტემპერატურის მაჩვენებელი.	ცალი	4	259.00	1,036.00	ხელშეკრულების გაფორმებიდან 10 (ათი) სამუშაო დღის განმავლობაში	ARISTON Termo Group, რუსეთი, ARISTON 50L PRO1 R V 1,8kw PL წყლის ელ. გამაცხელებელი	მიღება-ჩაბარების აქტის გაფორმებიდან 3 (სამი) წლის განმავლობაში	ქ. თბილისი, გორგასლის ქ. №10 და ქ. თბილისი, უნივერსიტეტის ქ. №2
5		100 ლიტრიანი წყლის გამაცხელებელი ავზი სიმძლავრე 1800 ვატი; შიდა ავზის დაფარვა ემალირებული ფოლადით; წყლის გაცხელების შესაძლებლობა 75 გრადუსი ცელსიუსი; კედელზე თავსდებადი/მაგრდება ვერტიკალურად. დენის მოხმარება 230 ვოლტი; ფერი თეთრი; გააჩნია გადახურებისაგან ავტომატური გათიშვის ფუნქცია (თერმოსტატი), დამცავი სარქველი, წყლის ტემპერატურის მაჩვენებელი.	ცალი	1	309.00	309.00		ARISTON Termo Group, რუსეთი, ARISTON 100L PRO1 R V 1,8kw PL წყლის ელ. გამაცხელებელი		
სულ ჯამში:							11,100.00			

მიმწოდებელი: შპს „ტექნოჰაუს“

დირექტორი: მეკმეთ მელექი

საკონტაქტო ინფორმაცია:

გელა გაჩეჩილაძე 595 95 95 16

Email: gela.gachechiladze@beko.com.ge

